

《中國地方藝文薈萃》編委會 編

中國地方藝文薈萃

學苑出版社

華東卷·第十一輯 陸

華東卷·第十一輯
陸

中國地方藝文薈萃

《中國地方藝文薈萃》編委會 編

貴州师范学院内部使用

國朝金陵詩徵四十八卷（四）

貴州师范学院内部使用

國朝金陵詩徵四十八卷（四）

（清）朱緒曾編

據清光緒十三年（一八八七）刻本影印

國朝金陵詩徵卷二十三

上元朱緒曾編

侯學詩

學詩字起叔一字葦園又字康衢江甯人乾隆丙子

舉人辛卯進士新會知縣撫州知府有梅花草堂詩

集葦園幼從戴雪村學為山長夏醴

隨園詩話云余幸江甯時侯君學詩葦園年十四應

童子試後夏醴谷先生屢稱其能詩終未見也今幸

新會余往相訪同遊圭峯望海讀其詩長于古風蓋

深于杜韓蘇三家者佳句云綠遮人外柳紅落渡前

花狂藥看人頻動色擣菰到老不知名甯君端文及戴芑泉丈入嘉善寺讀書雪後偕嚴東有

訪之讀書居近市何異踏塵網江山足靈氣發我胸中爽兩君指

煙嵐聯袂竟偕往寒雲鬱蕭晨空齋闕靈響嚴郎好事人招
我延清賞遙尋次宗塾共藉王恭斲山寺久摧頽石路何圯
塊出郭已十里到山仍百丈鐘聲導來徑雪勢發餘想驚起
山中人笑迎一撫掌攀留肯信宿便欲斷歸鞅焦顧記前蹤
聲塵若堪仿豈伊科日重實以名德仰肅然生敬恭古色浮
書幌

同端文東有及芑泉丈登幕府山遂歷覽諸勝窮達摩
洞而返夜于峯頭坐月三首

王公駐軍處名山遂千秋絕頂俯萬象浩蕩空江流鬼斧鑿
山骨高下窮其幽摩雲屹巉巖險絕攀蘿投仰窺一綫天星
斗森寒矛膽薄不敢伫去去平原遊

松聲落半嶺拳石忽綺錯石上青苔斑粲若銅花鏗山靈弄

娟秀慰我遊寂寞前尋達摩洞巨跡誰所鑿當時雪埋腰彼
法慎付託委蛇盡歲月可爲吾徒忤

月光冷浸水坐石眺長空前峯有積雪照耀開瓊宮手把白
玉塵歌嘯迴天風抗聲一相和響答來仙蹤更欲成獨往笙
鶴疑可通笑謂二三子公等安能從

題周璿畫龍歌

嵩陽有客周王孫江海擊劒哀風雲胸中奇氣鬱不吐畫史
旁薄藏其身畫人畫馬皆絕藝雲龍一幅尤所珍我家寶藏
舊有此高堂素壁交細縕早年亦曾學作米家之水墨智欲
過師嗟不得忽從舊法變新意畫出飛龍真絕迹神龍在空
誰見之心游溟滓揮八極江天五月風雨急波濤湧出銀山
直東鱗西爪吁莫測天雲下垂江水黑須臾瀾漫元氣歸大

宅但見平疇習習萬頃含風碧瑋乎卷此入胸臆應手生綃
摧霹靂卷幔霏霏白雨聲開簾閃閃黃金色昔瑋畫成時高
張岳陽樓千金索價不肯貶觀者如山爭掉頭撫楚者誰洪
范儔聞之微服因來遊傍皇動色卷以去黃金五百非云酬
聲名一日滿天下堆山絹帛爭相求稱情落筆數紙耳白云
恐作傭奴羞如今畫師寂寞干王侯安能絕藝雄千秋瑋乎
去之未爲遠使我俯仰世會翻百憂

永慶寺

清晨入古刹金碧開佛廬層階粲瑤碱紺殿環金鋪昔時瓦
礫場雲構皆爭扶驚吁問誰作無乃神潛驅新碑峙其左始
末頗備書言有檀施客願發心地初有田滿十頃有屋近百
區他產頗稱是契券隨以俱悉用乞此寺爲佛供伊蒲自乞

此寺後聖凡各異趨他人不得爭明誓要妻孥懿鑠此功德
如海浩難摹用敢紀諸石千秋垂令譽後書歲與月結銜邦
大夫此事吾亦聞言之足悲噓其人本非狂遠賈游上都久
乃厚所蓄積累從錙銖一朝委床蓐輾側憂冥途感彼緇流
言謂佛能庇余生前睹一擲旣死無宿儲有妻抱稚子掩懷
泣呱呱踰跟叩僧寮願乞升斗餘僧寮晝不開暮歸血淚枯
扼腕公庭上行道爲嗟吁福田竟何在棺冷啼嗚嗚吾民有
本性親愛先髮膚放麁與啜羹判然固有殊父子及兄弟婉
變相和愉有餘及親戚推恩逮鄉閭此意共知勉太和日盤
紆物物得其所人人出其塗奈何西方教顛倒戚與疏土木
極瑰麗象設駢金珠鐘鈸當箕斂梵唄同權酤皆言獲利益
累功若浮圖貪癡結幻緣遂若誠有諸金錢向此盡物力皆

拮据本始豈若斯三寫訛成烏嗟彼誰氏子妄意升天娛寡
妻與弱息且復拋路衢吾言豈得已萬一醒羣愚

自淳化鎮至丹陽道中

遠涉輕江湖近遊轉怊悵逆旅所未識停鞭欲何向暖日融
冰花清泉動沄浪雄關倏忽暮遠色送疊嶂晚蔬摘葉煮溪
魚帶鱗餉下箸一飧畢孤鐙熾盜益感此擁衾裯蕭蕭角聲
壯

曠野大雲合百里煙霧橫不與霧同色豁然溪水明客行一
何急僕夫貪曉程直犯長風來次骨生淒清望望不可極
晦日初明松際滴微雨融霜報新晴下輿轉前岡脫身一鳥
輕

偶來華陽道遙望華陽山萬壑轉松聲聲接衣袂閒日色遞

關
隱現山路時彎環坡陀露赤石燦爛丹砂殷歲暮急鄉井絡
繹車馬還而我更有適不惜風塵顏丹陽渺何許擊柝趨重

回首郊原寒日挂亂山後征車晚逾急風亂迷左右短亭得
小憩膚裂戰兩手山僧飲我湯村農酤我酒然薪出高阜天
黑狼夜吼鎮近燈火遠離離辨星斗撫手一笑樂恐懼復何
有

朱生紹曾自其尊人安齋宦所來應京兆試始相見於
邸寓於其歸爲之述其家世先祖之美而終之以學
亦詩人之義也 五首錄二

微言不可續先民誰復見我從逢源亭萬派聆一綫傳衣自
爾家流風泠然善 逢源爲用矩曾大父弟子世所稱師晦先生也恨我才及階堂奧

窺未遍懷疑復有請嗟哉兩楹奠爾來困塵土身逐旗腳轉
舊聞束高閣用左非所便耿耿餘寸心欲續耆舊傳後賢忽
蔚起喜歎兩忘倦此筆當付與故物非外羨人言恐不信勿
逐溜澠變

虎山有烈士皎皎光乘牒避仇到金陵詩禮傳奕葉聞昔鍾

阜下一老據經榻謂次郊先生披帷秩衿佩著書滿筐篋手

操正雅聲桑濮洗疲茶戴北山隱君嘗云譬之樂教子盡淹

雅伯也鋒出匣隨翁小遊戲一發已先捷爾時文運盛海內

簪正盍珠盤走通都晉楚日爭敵月旦何崢嶸聲華自馳踏

失意相排擠禍亦伏眉睫於物獨無競處已亦非狹臚傳蓋

已晚益勵儒素業傾心接後進片善必容納平生爲朋友不

惜屢躡跣抱琴終一慟慘淡柳與絮遺書聞滿樓又化昆明

劫子今生既晚神物恐難合顯晦誠有時努力勤補輯

發嚴州

送客人歸起櫂輕卷窗高枕聽瀧聲林隨晚日千重過山共
孤舟一路行斂笑幽花時自炫亂啼嬌鳥不知名桐君喚起
滄江靜一奏松風萬古情

吳諸民新葺水閣顏曰繫舟數與朋好置酒其上謂僕
不可無詩諾之而未有以應既至鹿洞乃克成之手
書寄若爲我索同人共和之刊片石置壁閒

軒窗開處臨溪沼似與幽人泛野航月落清淮無色相風行
滄渙有文章未成晚計魚千里且住秋葭水一方門巷來尋
先到眼綠波看欲蘸垂楊

春前款戶屢忘還興在滄浪一笛閒弟子遠來供異卉鄰家

新爲贈青山

砌閒洛花十餘本云門人自毫郡來餉者將園斫竹忽出蔣山尤奇

杯觴氣逸宵

投轄絃誦聲和晝閉關記得小桃源畔約祇今雙照鬢痕斑

余與諸民舊同住小倉前遷徙以來每相見輒訂晚歲卜鄰之約

先生自昔無他嗜和氣長鍾孝友家座有百城千古事庭纔半畝四時花春雲藹藹瓏玲石水樂嘈嘈鼓吹蛙種樹書成吾得借便攜甌酒上浮槎

耆舊江鄉費溯洄風流猶見次宗臺但逢衿佩雍容出都自河汾講授來流水此心元不競虛舟於物更奚猜祇應筆力千鈞重猶作驚濤鬪怒雷

宿江甯鎮

雨歇星斗明拊手成獨笑溼衣自可耳徒步起先導輿子猝未期追逐久蹉跎及我於中衢凝冰踣羣階或有凍欲僵解

衣酌且勞艱難藉爾力得不增戀嫪挾纒始依依見日行稍
稍氣回眾爭奮走壙疾於驟前登采石磯戰壘想雄鷲秣食
慈湖鄉歸飛聚寒噪顧瞻雲未暝強起更騰趙繼之以炬火
森木穿窬窳勢若奇鬼搏又如猛獸蹙誰謂路已遠但恐行
不到鄉音刺篚耳鄉味入饑噍鈴馱夜分投寒蔬雪中芼訊
知已吾土郵表近相報三山際煙霄雙闕啟雲嶠明當慰我
眼風御縱吟嘯

發江甯鎮

滄滄何涼涼朱霞半天起上輿亟驅之雨勢翻手耳百里半
九十孰云室伊邇傾囊召村農眾助期小駛須臾已麋至行
步實跛倚自言舉家來三月不見米實荷賑卹恩幸免溝壑
徙我聞此言悲砭骨淚如洗迢遙千里來敬在修桑梓望望

南城樓行行欲姑止

八月梅花詩 并序

余十四五時讀書家塾窗外紅梅一株至八月輒作
 花連縣冬夏不絕亦未之奇也每以門祚衰落宅凡
 三徙逮辛巳歲始卜築老屋東西家人偶買得梅條
 尺許種之不數年過牆庚寅秋八月花開甚盛自是
 歲以為常梁聞山題額為八月梅花草堂者也頃將
 家南州於乙未冬得方氏園寓焉園中梅可十餘株
 其紅者於今中秋前復相續作花綠萼朱英天然可
 愛豈世間自有此本余所居輒與之值乎然亦異矣
 漫題小詩數首
 張諸好事者

卜築青谿幾歲華客羶纔暖又浮家青楊門巷渾忘記記得

南枝八月花

桂山香發日行遊赤莧黃葵總畔愁誰信小園兼節序一分

春色一分秋

舊見依稀紫府遙為雲何處許相邀江天乞與新圖畫萼綠